

Texty na precvičovanie orácií v latinčine

IN NATIVITATE DOMINI

Ad Missam in die

Collecta

Deus, qui humánæ substántiæ dignitatem
et mirábiliter condidisti, et mirábilius reformásti,
da, quæsumus, nobis eius divinitátis esse consórtes,
qui humanitátis nostræ fieri dignátus est párticeps.
Qui tecum vivit et regnat in unitáte Spíritus Sancti, Deus,
per ómnia sæcula sæculórum.

Super oblata

Oblátio tibi sit, Dómine, hodiérnæ sollemnitátis accépta,
qua et nostræ reconciliatiónis procéssit perfécta placátio,
et divíni cultus nobis est índita plenitúdo.
Per Christum Dóminum nostrum.

Post communionem

Præsta, miséricors Deus, ut natus hódie Salvátor mundi,
sicut divínæ nobis generatiónis est auctor,
ita et immortalitátis sit ipse largítor.
Qui vivit et regnat in sæcula sæculórum.

IN EPIPHANIA DOMINI

Collecta

Deus, qui hodiérna die Unigénitum tuum
géntibus stella duce revelásti,
concéde propítius, ut, qui iam te ex fide cognóvimus,
usque ad contemplándam spéciem tuæ celsitúdinis perducámur.
Per Dóminum nostrum Iesum Christum Fílium tuum,
qui tecum vivit et regnat in unitáte Spíritus Sancti, Deus,
per ómnia sæcula sæculórum.

Super oblata

Ecclésiæ tuæ, quæsumus, Dómine, dona propítius intuére,
quibus non iam aurum, thus et myrrha profértur,
sed quod eisdem munéribus
declarátur, immolátur et súmitur, Iesus Christus.
Qui vivit et regnat in sæcula sæculórum.

Post communionem

Cælésti lúmine, quæsumus, Dómine,
semper et ubíque nos præveni,
ut mystérium, cuius nos párticipes esse voluísti,
et puro cernámus intúitu, et digno percipiámus afféctu.
Per Christum Dóminum nostrum.

IN ANNUNTIATIONE DOMINI

Collecta

Deus, qui Verbum tuum in útero Vírginis Mariæ
veritatem carnis humánæ suscípere voluísti,
concéde, quæsumus,
ut, qui Redemptórem nostrum
Deum et hóminem confitémur,
ipsíus étiam divínæ natúræ mereámur esse consórtes.
Per Dóminum nostrum Iesum Christum Fílium tuum,
qui tecum vivit et regnat in unitáte Spíritus Sancti, Deus,
per ómnia sæcula sæculórum.

Super oblata

Ecclésiæ tuæ munus, omnípotens Deus, dignáre suscípere,
ut, quæ in Unigéniti tui incarnatióne
primórdia sua constáre cognóscit,
ipsíus gáudeat hac sollemnitáte celebráre mystéria.
Per Christum Dóminum nostrum.

Post communionem

In méntibus nostris, quæsumus, Dómine,
veræ fídei sacraménta confírma,
ut, qui concéptum de Vírgine
Deum verum et hóminem confitémur,
per eius salutíferæ resurrectiόνis poténtiam,
ad ætérrnam mereámur pervénire lætítiam.
Per Christum Dóminum nostrum.

DOMINICA PASCHÆ IN RESURRECTIONE DOMINI

Collecta

Deus, qui hodiérna die, per Unigénitum tuum,
æternitátis nobis áditum, devícta morte, reserásti,
da nobis, quæsumus,
ut, qui resurrectiόνis domínicae sollémnia cólimus,
per innovatióem tui Spíritus
in lúmine vitæ resurgámus.
Per Dóminum nostrum Iesum Christum Fílium tuum,
qui tecum vivit et regnat in unitáte Spíritus Sancti, Deus,
per ómnia sæcula sæculórum.

Super oblata

Sacrificia, Dómine, paschálibus gáudiis exsultántes offérimus,
quibus Ecclésia tua mirábiliter renáscitur et nutritur.
Per Christum Dóminum nostrum.

Post communionem

Perpétuo, Deus, Ecclésiám tuam pio favóre tuére,
ut, paschálibus renováta mystériis,
ad resurrectiόνis pervéniat claritátem.
Per Christum Dóminum nostrum.

IN ASCENSIONE DOMINI

Ad Missam in die

Collecta

Fac nos, omnípotens Deus, sanctis exsultáre gáudiis,
et pia gratiárum actiόνne lætári,
quia Christi Fílii tui ascénsio est nostra provéctio,
et quo procéssit glória cápitis, eo spes vocátur et córporis.
Per Dóminum nostrum Iesum Christum Fílium tuum,
qui tecum vivit et regnat in unitáte Spíritus Sancti, Deus,
per ómnia sæcula sæculórum.

Vel:

Concéde, quæsumus, omnípotens Deus,
ut, qui hodiérna die
Unigénitum tuum Redemptórem nostrum
ad cælos ascendísse crédimus,
ipsi quoque mente in cæléstibus habitémus.
Qui tecum vivit et regnat in unitáte Spíritus Sancti, Deus,
per ómnia sæcula sæculórum.

Super oblata

Sacrificium, Dómine, pro Fílii tui súplices
venerábili nunc ascensióne deférimus:
præsta, quæsumus, ut his commérciis sacrosánctis
ad cæléstia consurgámus.
Per Christum Dóminum nostrum.

Post communionem

Omnípotens sempitérne Deus,
qui in terra constitútos divína tractáre concédis,
præsta, quæsumus,
ut illuc tendat christiánæ devotiόνis afféctus,
quo tecum est nostra substántia.
Per Christum Dóminum nostrum.

DOMINICA PENTECOSTES

Ad Missam in die

Collecta

Deus, qui sacraménto festivitátis hodiérnæ
univérsam Ecclésiám tuam
in omni gente et natióne sanctíficas,
in totam mundi latitúdinem Spíritus Sancti dona defúnde,
et, quod inter ipsa evangélicæ prædicatiónis exórdia
operáta est divína dignátio,
nunc quoque per credéntium corda perfúnde.
Per Dóminum nostrum Iesum Christum Fílium tuum,
qui tecum vivit et regnat in unitáte Spíritus Sancti, Deus,
per ómnia sæcula sæculórum.

Super oblata

Præsta, quæsumus, Dómine,
ut, secúndum promissiónem Fílii tui,
Spíritus Sanctus huius nobis sacrificii
copiósius revélet arcánium,
et omnem propítius réseret veritátem.
Per Christum Dóminum nostrum.

Post communionem

Deus, qui Ecclésiæ tuæ cæléstia dona largíris,
custódi grátiam quam dedísti,
ut Spíritus Sancti vígeat semper munus infúsum,
et ad ætérnæ redemptiúnis augméntum
spiritális esca profíciat.
Per Christum Dóminum nostrum.

SS. PETRI ET PAULI, APOSTOLORUM

Ad Missam in die

Collecta

Deus, qui huius diéi venerándam sanctámque lætítiam
in apostolórum Petri et Pauli sollemnitáte tribuísti,
da Ecclésiæ tuæ eórum in ómnibus sequi præcéptum,
per quos religiúnis sumpsit exórdium.
Per Dóminum nostrum Iesum Christum Fílium tuum,
qui tecum vivit et regnat in unitáte Spíritus Sancti, Deus,
per ómnia sæcula sæculórum.

Super oblata

Hóstiam, Dómine, quam nómini tuo exhibémus sacrándam,
apostólica prosequátur orátio,
nosque tibi reddat in sacrificio celebrádo devótos.
Per Christum Dóminum nostrum.

Post communionem

Da nobis, Dómine, hoc sacraménto reféctis,
ita in Ecclésia conversári,
ut, perseverántes in fractiúnem panis
Apostolorúmque doctrína,
cor unum simus et ánima una, tua caritáte firmáti.
Per Christum Dóminum nostrum.

**IN ASSUMPTIONE
BEATÆ MARIÆ VIRGINIS**

Ad Missam in die

Collecta

Omnípotens sempitérne Deus,
qui immaculátam Vírginem Mariám, Fílii tui Genetrícem,
córporē et ánima ad cæléstem glóriam assumpsísti,
concéde, quæsumus, ut, ad supérna semper inténti,
ipsíus glóriæ mereámur esse consórtes.

Per Dóminum nostrum Iesum Christum Fílium tuum,
qui tecum vivit et regnat in unitáte Spíritus Sancti, Deus,
per ómnia sæcula sæculórum.

Super oblata

Ascéndat ad te, Dómine, nostræ devotiónis oblátio,
et, beatíssima Vírgine María
in cælum assúpta intercedénte,
corda nostra, caritátis igne succénna,
ad te iúgiter aspírent.

Per Christum Dóminum nostrum.

Post communionem

Sumptis, Dómine, salutáribus sacraméntis,
da, quæsumus,
ut, intercessióne beátæ Mariæ Vírginis in cælum assúptæ,
ad resurrectiónis glóriam perducámur.

Per Christum Dóminum nostrum.

OMNIUM SANCTORUM

Collecta

Omnípotens sempitérne Deus,
qui nos ómniū Sanctórum tuórum mérita
sub una tribuísti celebritáte venerári, quæsumus,
ut desiderátam nobis tuæ propitiatiónis abundántiam,
multiplicátis intercessóribus, largiáris.
Per Dóminum nostrum Iesum Christum Fílium tuum,
qui tecum vivit et regnat in unitáte Spíritus Sancti, Deus,
per ómnia sæcula sæculórum.

Super oblata

Grata tibi sint, Dómine, múnera,
quæ pro cunctórum offérimus honóre Sanctórum,
et concéde,
ut, quos iam crédimus de sua immortalitáte secúros,
sentiámus de nostra salute sollícitos.
Per Christum Dóminum nostrum.

Post communionem

Mirábilem te, Deus,
et unum Sanctum in ómnibus Sanctis tuis adorántes,
tuam grátiam implorámus,
qua, sanctificatióne
in tui amóris plenitúdine consummántes,
ex hac mensa peregrinántium
ad cæléstis pátriæ convívium transeámus.
Per Christum Dóminum nostrum.

DOMINI NOSTRI IESU CHRISTI UNIVERSORUM REGIS

Collecta

Omnípotens sempitérne Deus,
qui in dilécto Fílio tuo, universórum Rege,
ómnia instauráre voluísti,
concéde propítius,
ut tota creatúra, a servitúte liberáta,
tuæ maiestáti desérviat ac te sine fine colláudet.
Per Dóminum nostrum Iesum Christum Fílium tuum,
qui tecum vivit et regnat in unitáte Spíritus Sancti, Deus,
per ómnia sáecula sáeculórum.

Super oblata

Hóstiam tibi, Dómine,
humánæ reconciliatiónis offeréntes,
supplíciter deprecámur,
ut ipse Fílius tuus cunctis géntibus
unitátis et pacis dona concédát.
Qui vivit et regnat in sáecula sáeculórum.

Post communionem

Immortalitátis alimóniam consecúti,
quásumus, Dómine,
ut, qui Christi Regis universórum
gloriámur obœdíre mandátis,
cum ipso in cælésti regno sine fine vívere valeámus.
Qui vivit et regnat in sáecula sáeculórum.

IN CONCEPTIONE IMMACULATA BEATÆ MARIÆ VIRGINIS

Collecta

Deus, qui per immaculátam Vírginis Conceptionem
dignum Fílio tuo habitáculum præparásti,
quásumus, ut, qui ex morte eiúsdem Fílii tui prævísa,
eam ab omni labe præservásti,
nos quoque mundos, eius intercessióne,
ad te perveníre concédas.
Per Dóminum nostrum Iesum Christum Fílium tuum,
qui tecum vivit et regnat in unitáte Spíritus Sancti, Deus,
per ómnia sáecula sáeculórum.

Super oblata

Salutárem hóstiam,
quam in sollemnitate immaculátæ Conceptionis
beátæ Vírginis Mariæ tibi, Dómine, offérimus,
súscipe dignánter, et præsta,
ut, sicut illam tua grátia præveniénte
ab omni labe profitémur immúnem,
ita, eius intercessióne, a culpis ómnibus liberémur.
Per Christum Dóminum nostrum.

Post communionem

Sacraménta quæ súmpsimus,
Dómine Deus noster,
illíus in nobis culpæ vúlnera réparent,
a qua immaculátam beátæ Mariæ Conceptionem
singuláriter præservásti.
Per Christum Dóminum nostrum.